


BUKU BARU



GEDUNG KUNING: Pernah didiami oleh enam keluarga dan kini dikekalkan sebagai sebuah bangunan bersejarah. – Foto fail

Pelancaran buku Gedung Kuning

SATU majlis pelancaran buku bertajuk *Gedung Kuning, Memories of a Malay Childhood*, akan diadakan pada Sabtu, 9 Januari.

Bertempat di The Pod, Perpustakaan Negara di tingkat 16, Victoria Street, majlis itu akan berlangsung dari 2 hingga 5 petang.

Gedung Kuning merupakan sebuah rumah gedung yang pernah didiami oleh keluarga Haji Yusoff 'Tali Pinggang' di kawasan Arab Street dari tahun 1912 hingga 1999.

Gedung itu diambil alih oleh pemerintah Singapura pada Ogos 1999 di bawah Akta Pemilikan Tanah. Tempat yang pernah menjadi penginapan enam buah keluarga itu kini telah dikekalkan sebagai sebuah bangunan bersejarah di bawah projek Pusat Warisan Melayu.

Hidayah Amin, salah seorang cicit Haji Yusoff, yang telah mengunjungi semula rumah zaman kanak-kanaknya itu, menerusi buku ini, membawa para pembaca meninjau ke daerah yang lebih dalam di rumah yang 'dikawal' burung-burung helang batu ini dengan ruang-ruang bercermin besar dan lantai batu marmar, selain mengongsi beberapa kisah menarik yang pernah berlaku di gedung tersebut.

Melalui 28 cerpen yang dimuatkan, para pembaca mendapat gambaran penuh bersejarah mengenai kehidupan di Gedung Kuning dan orang Singapura dari tahun-tahun 1850-an hingga 1999.

Buku setebal 240 muka surat ini mengandungi lebih 70 gambar dan 13 peta. Ia diterbitkan oleh Persatuan Warisan Singapura dan Helang Books dan disokong oleh Program Insentif Perusahaan, Lembaga Warisan Kebangsaan.